



partii naleraq

UKA2020/119

Ulloq. 20. Oktober 2020

Jens NapätôK´

Immap naasuiniq tunisassiornerup pilersinnissaanut annertusarnissaanullu tunngatillugu misileraanernut aningaasaliissutaasartussat siunertamut tulluarnerusumik qanoq ilusilerneqarsinnaanerit atuutsinneqarsinnaanerallu pilugit nassuiaammik Naalackersuisut saqqummeeqqullugit peqquneqarnissaannik Inatsisartut aalajangiiffigisassaattut siunnersuut. Ilaatigut kommunit inussutissarsiortullu misilittagaat nassuiaammut ilaatinneqassapput. Nassuiaat UKA2021 sioqqullugu Inatsisartunut agguanneqassaaq, taamaalilluni nassuiaammi inerniliunneqartut AIS2022-ip suliarineranut ilanngunneqarniassammata.

(Partii Naleqqap, Inatsisartunut ilaasortaaitai)

Siullermeernera

Partii Naleqqami Inatsisartuni ilaasortat immap naasuiniq tunisassiornerup pilersinnissaanut annertusarnissaanullu tunngatillugu misileraanernut aningaasaliissutaasartussat siunertamut tulluarnerusumik qanoq ilusilerneqarsinnaanerit atuutsinneqarsinnaanerallu pillugit nassuiaammik Naalackersuisut saqqummeeqquagut, Ilaatigut kommunit inussutissarsiortullu misilittagaqarlualersimasut misilittagaat nassuiaammut ilaatinneqarnissat piumasarlutigu saqqummeeqquullugit peqquneqarnissaannik Inatsisartut aalajangiiffigisassaattut siunnersuut Partii Naleqqamiit saqqummiupparput.

Nassuiaat Inatsisartut Ukiakkut 2021-imi ataatsimiinissaat sioqqullugu Inatsisartunut agguanneqareersimasussaq piumasaqaatigaarput.



partii naleraq

Ukiuni kingullerni inuussutissarsiornikkut nutaaliortumik pilersitsisoqaraluarpoq Kalaallit Nunaata aningaasarsiorneranut namminiileriartornissamut aqquataasussamik. Immap naasuinik iluaquteqarnermik aallaavilik. Ullumikkulli immikkut aqqqissuussisimanngilagut immap naasuisa atorluarnissaat nunatsinni aningaasarsiornitsinni innuttaasunit iluaqutigineqalernissaat anguniarlugu.

Paasisarpulli kingulleq tassaavoq Royal Greenland immap naasuinik misileraalluni naatitsiviliornermigut ingerlatsisoq, aamma soorunami taanna soqutiginarluinnarpoq. Kisianni Partii Naleqqamiit isumaqarpugut immap naasuinik sineriarujussuarput peqarluatoq aamma piareersarluariarluni piaartumik atorluarneqarsinnaasunik, soorlu aamma inuit ataasiakkaat soqutiginnilluartut allaat tunisassiorlutik ingerlatsisareersimalerput, kisianni aallartivinnissamut allatuulli inuussutissarsiornikkut aallartisarniartutuut aningaasatigut periarfissaqannginneq aporfiallugu unittooqqallutik.

Manna iluatsillug naalakkersuisuniit paaserusunnarpoq immap naasuinik tunisassiorsinnaaneq pillugu Royal Greenland A/S kisermaassilluni ingelatsisuunissamut akuersissuteqarfigineqarnissani Naalakkersuisunut saaffiginnissutigisimaneraa? Taamaattoqarsimappallu tamanna Naalakkersuisut politikkiannut naapertuunnersoq? Qeqqussat, immallu naasui allat panertillugit pisiniarfinni allanilu nioqqutissatut tunisassiarineqarsinnaanerat nunatsinni Ulrik Maki Lyberth-ip Sisimiuneersup maannakkut nunatta kujataani najugaqartup siullersaalluni aallarnisarpaa.

Taamatut tunisassiorneq aallartikkamiuk kisimiilluinnarsimavoq, aamma aallarnisarnermi nalaani taamatut tunisassiorsinnaanermik inunnik allanik pilersaaruteqartoqarneranik saqqummersoqaranilu inuttaanut attaveqartoqarnikuusimanngilaq, akerlianilli Royal Greenland aallartitsinnani aperisimavaa immap naasuinik tunisassiulissamaarnersoq, taamanikkullu erseqqissumik akineqarsimavoq tamanna eqqarsaatigineqanngitsoq – taamaammat Maki Seaweed Greenland naqqaniit aallarnisarlugulu pinngortissimagaluarppaa, tamatumalu kingorna RG-imiit unammillerneqarluni ipitinneqarsimavoq.



partii naleraq

Siulersaalluni nunatsinni aqqissuussamik Kalaallillu Nunaanni Uumasunut

Nakorsaqaarfimmiit Inuussutissalerinermullu Oqartussaqaarfimmiit akuersisummik peqarluni immap naasuinik tunisassiorneq aallarnersimagaluarpa.

Taamatut siullersaalluni aallarnisaagaluarluni nunatsinni taamatut suliaqarnermi kisermaassisuunissani siunniussimanngisaannarsimavaa.

Taamaattumik nunatta avataani attaveqarfigisami ilaanniit paasitinneqarsimavoq Royal Greenland A/S-ip immap naasuinik nunatsinneersunik tunisassiornermut tunngasunik kisimiilluni ingerlatsisinnaanissaminik anguniagaqalersimasoq, tusagarlu tamanna quarsaarutigisimaqaa.

Naalackersuisunut ilanngullugu apequtigissavarput – Namminersorlutik Oqartussat suliffeqarfiutaat allanik ipisitsiniartutut aallarnisarniartunullu aporfissalersuiniarsimappat tamanna Naalackersuisut politikkiannut naapertuunnersoq? taamaassimassappallu suut tunngavilersuutigineqarniarnersut paaserusunnassaaq.

Kalaallit Nunaanni immap naasuinik pitsaanerusumik tunisassiornissaq anguniarlugu, kiisalu annertunerusumik pisuussutit atorluarneqarnissaat pitsaanerusumillu periarfissiuunniarlugit Naalackersuinikkut qanoq iliuusseqarnissaq pisariqarluinnarpoq. Nunap inuisami Nunatta pisuussutai aningaasasiutigisariaqarpaat, pisariitsumik pisariusumilluunniit aallartinneqarsinnaappata.

Taamatut oqaaseqarluta Naalackersuisunut kaammattuutigissuarput siunnersuutigineqartut Immap naasui pillugit nassuiaammik saqqummiinissaminni nunarput tamaat eqqarsaatigalugu aammalu nunatta inuisa immap naasuinik aningaasarsiuteqarnissaat pingaartillugu ilusiliisumik suliniuteqaqqullugu